



ნიკო ბერძენიშვილი

თათართა გატონობის ხანა *

თეზისები¹

მტრობა-ომების გარდა, საქართველოს ახლობელსა თუ შორეულ მეზობლებთან მშვიდობიანი კულტურული ურთიერთობაც პქონდა. ასეთი ურთიერთობისას ქართველი ხალხი უხვად სესხულობდა მეზობელთა კულტურულ მიღწევებს, ხოლო სამაგიეროდ საკუთარი შემოქმედების ნაყოფსაც ასევე უხვად უზიარებდა მათ. სამწუხაროდ, ეს მშვიდობაინი კულტურული ურთიერთობა ხშირად იღლვეოდა. შეიძლება არც მოიძებნებოდეს მსოფლიოში მეორე ისეთი მხარე, რომელსაც იმდენი შემოსევა-დაპყრობა და ტაცება-ოხრება განეცა-დოს, რამდენიც საქართველომ თავისი ხანგრძილი ისტორიის სიგ-რძეზე განიცადა.

ჩვენ მეზობელთაგან არა ერთმა ხალხმა დაჰკარგა პოლიტიკუ-რი დამოუკიდებლობა და დამპყრობელთ საბოლოოდ დაემონა. არა ერთი ძლიერი სახელმწიფო გაქრა და არა ერთი კულტურული ხალხი საბოლოოდ გადაშენდა. ქართველი ხალხი კი გადაურჩა ათას ქარტებილს; უმაგალითო გმირული ბრძოლით მან დაიცვა თავისი კულტურული სახე.

მეცნიერული პასუხი საკითხზე, თუ როგორ იბრძოდა ჩვენი ხალხი, რაში იყო მისი ძალა და ამოურწყველი სიცოცხლის უნარი, რა პკებავდა მის უძლეველობას მტრებთან ბრძოლაში, — სრულიად კანონიერი მოთხოვნილებაა.

ამ წიგნაკის საგანი მარტივია. ეს არის ქართველი ხალხის გმირული ბრძოლა თათარ დამპყრობელთა წინააღმდეგ XIII-XIV საუკუნეებში. ხანგრძლივი და მძიმე იყო ეს ბრძოლა, მაგრამ თავისუ-

* 6. პერძენიშვილი, საქართველოს ისტორიის საკითხები, წ. III, თბ., 1966. გვ. 57-73.

ფლებისათვის ბრძოლა, სამართლიანი ომი საზარელი არ შეიძლება იყოს და ქართველი ხალხიც თავდადებით და შეუნელებლად იბრძოდა, სანამ მოძალადე-დამპყრობელთა უღელი ამაყ ქედიდან არ მოიშორა.

X საუკუნისათვის ქართველმა ხალხმა გამარჯვებით დაასურდა სამსაუკუნოები ბრძოლა არაბ დამპყრობელთა წინააღმდეგ და ეროვნული შემოქმედების თავისუფალ გზაზე გამოიდა.

X საუკუნის მიწურულისათვის ძირითადად დასრულდა საქართველოს ერთ ფეოდალურ მონარქიად გაერთიანების პროცესი. ამ ხანგრძლივ პროცესს, სამისოდ საკმაო ეკონომიკურ-სა და ხოციალურ ხაფუძველზე გაშლილს, თანხმდება ქართველი ხალხის კულტურული გაერთიანება. X საუკუნეში უკვე შემოსულია ამ პროცესიკურ-კულტურული მთლიანობის აღმნიშვნელი ტერმინი „საქართველო“. ამის შემდეგ ეს ტერმინი მკვიდრად დარჩა და ჩვენი ქვეყნის პოლიტიკურად დაშლის უამშიც კი არსებობდა. ძველი ერთიანი „ერევლი საქართველოს“ „ნაცვლად, მაგალითად XVII საუკუნეში, მართალია, „ექვს საქართველოს“ ითვლიდნენ (ე. ი. ქართლი, კახეთი, სამცხე-საათაბაგო, იმერეთი, სამეგრელო და გურია), მაგრამ ყველა ისინი მაინც „საქართველოები“ იყვნენ, ე. ი. შინა-პოლიტიკურად დაყოფილი ერთი მოდგმისა და კულტურის თანამოძღვები და, ამდენადვე, უცხოელებისაგან განსხვავებულნი.

XI-XII საუკუნეებში ჩვენს ქვეყანაში დიდი ინტენსიური შემოქმედებითი მუშაობა მიმდინარეობდა. ამის შემდეგ ის იყო, რომ საქართველომ დასავლეთის ბერძნულ-ქრისტიანული სიბრძნე აითვისა და კულტურით მოქადალ ბიზანტიას ღირსეულად თვალი გაუსწორა. ამავე დროს ქართველი ხალხი მწყურვალედ დაწარა აღმოსავლეთის ხალხთა (არაბთა, სპარსელთა) კულტურულ მიღწევებს. დასავლეთ-აღმოსავლეთის ამ საგანძურთა ქართულ კულტურულ ნიადაგზე გადმოტანით, ყველა ამათი ორგანული შედევრებით და ამ როული სინთეზის შემდგომი განვითარება-ამაღლებით (XII ს.). ქართველმა ხალხმა თავისი შემოქმედებითი ძალა ძლიერად გამოამჟღავნა და საკუთარი კულტურული სახე უკვდავყო (რუსთაველი სამისო თვალშეუდგამი ძეგლის მწვერვალია).

XI საუკუნის მეორე ნახევარში ახლო აღმოსავლეთმა ოურქ-სელჩუკ მომთაბარეთა დიდი გადმოსახლება განიცადა. შეუა აზიდან გამოსულმა ამ ნომადებმა დაიპყრეს ირანი, ამიერ-კავკასია, ბიზანტიას ჩამოგლიჯეს მცირე-აზიის დიდი ნაწილი, სირია-პალესტინა,

შექმნეს ძლიერი სამხედრო სახელმწიფო და დაპყრობილ ხალხთა უზარმაშარი კულტურული ტერიტორიები თავიანთი ჯოგების საძოვრებად გაიხადეს.

საქართველო უკიდურესი საფრთხის წინაშე დადგა. ქართლ-კახეთის თუ მესხეთის ჭალები თურქებმა თავიანთი ჯოგების საზამთრო საძოვრებად, ხოლო მთიანი ზეგანები იალაღებად გადააქციეს. ბაღ-ვენა ხისა თუ პურის ყანის ფართობები თანდათან ტრამალებმა და ტყეებმა დაიჭირეს. კულტურული ნამოსახლევი „აღსაუსე იქმნა ირემთა და ეშუთა მიერ“.

დიდგვარიან აზნაურების საქართველო დამარცხდა თურქებთან ბრძოლაში და ქვეყანა ამოწყვეტა-გადაშენების საფრთხის წინაშე დადგა.

ქართველმა ხალხმა ამ საფრთხეს პოლიტიკური გადატრიალებით უპასუხა. ამ საქმის გმირი დაჭით აღმაშენებელი იყო. მან დიდგვარიან აზნაურთა მემკვიდრეობითი ბატონობა პოლიტიკურ სფეროში წვრილ აზნაურ მოხელეებით შესცვალა. მთელი ქვეყნის ძალებს მაქსიმალური მობილიზაცია უყო და კარზე მომდგარი სასიკვდილო საფრთხე ქართველ ხალხს თავიდან ააშორა. ქართველებმა დავითის ხელმძღვანელობით დაამარცხეს თურქი მომხდურები, მრავალწლოვანი ომებით გააძვევს ისინი საქართველოს საზღვრებიდან და საომარი ასპარეზი მათ წინააღმდეგ სომხეთსა და შარვანში გადაიტანეს.

XII საუკუნეში ფეოდალური საქართველო მსოფლიო პოლიტიკის ასპარეზზე გამოვიდა. ამ ხანებში ფეოდალურმა საქართველომ სოციალური განვითარების იმ ღონეს მიაღწია, როცა ქვეყანაში დიდი პოლიტიკური კრიზისი მომწიფდა. ჯერ კიდევ გიორგი მესამემ, თამარის მამამ, დიდი გაჭირვებით ჩააქრო დიდგვარიანთა აჯანყება ხელისუფლების ცენტრალისტური პოლიტიკის წინააღმდეგ რომ იყო მიმართული. მეფის ხელისუფლების გამარჯვება დროებითი აღმოჩნდა. უკვე თამარის დროს ახალი საერთო გამოსვლის შედეგად დიდაზნაურებმა მტკიცედ მოიპოვეს მათი სოციალური მნიშვნელობის შესაფერისი პოლიტიკური უფლებები. გიორგი ლაშას ცდა, ძველი მდგომარეობის აღდგენისაკენ მიმართული, მარცხით დამთავრდა. დავით აღმაშენებლის მიერ შექმნილმა პოლიტიკურმა წეს-წყობილებამ თავისი დრო მოჰამა.

ამ შინა-პოლიტიკური კრიზისის დროს ჩვენ ქვეყანას უდიდესი განსაცდელი მოევლინა. შეუა აზიიდან მონადოლ-თათართა გადმო-სახლება დაიწყო.

თათრები ჩრდილო-აღმოსავლეთ აზიდან გამოიიდნენ. მათი წინამბრძოლი, თათართა მრავალი ტომის გამაერთიანებელი და მათი პირველი ხელმწიფეც, ჩინგიზ-ყავენი იყო. კულტურულად თათრები განვითარების დაბალ საფქრულზე იდგნენ. მათი მეურნეობა მეჯოგეობა და მონადირეობა იყო. სოციალური განვითარებაც ამის შესაფერი ჰქონდათ. კლასობრივი, ფეოდალური ურთიერთობა ფეხს ახლა იდგამდა. ხალხის ფართო მასები ჯერ ისევ გვაროვნული წყობილების წესებით ცხოვრობდნენ. თათრები დარიბები იყვნენ, როგორც ეს მათ პრიმიტიულ მეურნეობას შეეფერებოდა. სულიერი კულტურაც საამისო ჰქონდათ პირველყოფილი, წერა-კითხვაც კი მათვის ჯერ ისევ უცხო იყო.

სამაგიეროდ თათრებს ბევრი ისეთი თვისება გააჩნდათ, რასაც მრავალი კულტურული ხალხი მოკლებული იყო. მონადირე-მეჯოგე თათრები უშიში მეომრები იყვნენ. ხანგრძლივი ლაშქრობა მათ პრიმიტიულ მეურნეობას ოდნავადაც არ აზიანებდა: საითაც მიდიოდნენ, თავისი ჯოგებიც თან მიპყავდათ და ჯოგებთან ერთად ცოლშვილიც. თათართა ლაშქარი სულ მხედრობა იყო, ხოლო შეიარაღებით არავის არ ჩამოუვარდებოდა. მხა იარაღს თათრები მეზობელი კულტურული ხალხებიდან არაბი და სპარსი გაჭრების საშუალებით იძნებოდნენ. ომში სპეციალური მომარავება თათრებს არ სჭირდებოდათ: პურს არა სჭამდნენ, ხოლო ცხენის ხორცი და ცხენის რძე თან ჰქონდათ.

ჩინგიზ-ყაენმა დიდი ბრძოლის შედეგად გააერთიანა თათართა ტომები, ძლიერი და მტკიცე სამხედრო ორგანიზაცია შექმნა და უმაღ მეზობელ ქვეყნების დაპყრობას შეუდგა საშოვარს დახარბებული მეომრების საშუალებით. ჩინგიზ-ყაენის სამხედრო ორგანიზაციის წინააღმდეგ უძლური აღმოჩნდნენ კულტურული ქვენები: ჩინგიზი, ინდოეთი, ხვარაზმის სასულთნო, კიჯვის სამეფო, საქართველო. ერთი მეორის მიყოლებით, სულ რაღაც ოცი წლის განმავლობაში, ჩინგიზ-ყაენმა და მისმა მემკვიდრეებმა უზარმაზარი ქვეყნები დაიპყრეს. ასე შეიქმნა მონღოლ-თათართა სახელმწიფო, რომელსაც ისტორიაში არც მანამდე, არც შემდეგ სიდიდით ტოლი არ ჰყოლია.

საქართველოში მონღოლები ჯერ კიდევ 1220 წელს მოვიდნენ, როცა მათ მოსვლას აქ არავინ ელოდა. ქართველებს შორიდან ესმოდათ, რომ თათრები ხვარაზმის შაპს ებრძოდნენ. ხვარაზმის ქვეყანა საქართველოს მეტოქე იყო და ქართველები თათართა მიერ

ხევარაზმ-შაპის დამარცხებას სასურველადაც სთვლილნენ. მართლაც, თათრებმა სწრაფად დამარცხეს ხევარაზმ-შაპი. ჩინგიზ-ყავნა მხედართ-მთავარი ჯებე და სუბუდაი ოცი ათასი კაცით ხვარაზმ-შაპ ძუპამედს დააღევნა, თვითონ კი მუპამედის შვილს ჯალალს გამოუდგა. ჯებემ და სუბუდაიმ თათართა ჯარით ირანი მოითარებულ და ამიერ-კავკასიაზე გავლით დარუბანდის გზით უკან დაბრუნება მოისურვეს. საქართველოს მეფემ გიორგი-ლაშამ სასწრაფოდ ჯარი შემოიყარა და ამ უცნაური ხალხის წინააღმდეგ წავიდა. უცნაურმა თათრებმა ომის ხეობიც უცნაური იხმარეს. თავიანთი ჯარი ორად გაჰყვეს. ერთი ნაწილი ჩაასაფრეს, მეორემ კი ომი დაიწყო. კარგა ხნის ბრძოლის შემდეგ თათრებმა პირი იბრუნეს და გაიქცნენ, ქართველები დაედევნენ და ჩასაფრებულ თათართა რაზმსაც გასცდნენ. ამ დროს უკანასკნელნი წამოიშალნენ და ქართველთა ჯარი ორ ცეცხლშეუადგინებელი და მარცხენა მოვალეობა და გაიცინენ, ქართველები და უკანა მხრიდან ჩასაფრებულებმა დაჰკრეს. მოულოდნელმა ხიფათმა ქართველ მეორებს გული გაუტეხა. დამარცხდნენ, 5000 მეომარი დაეღუპათ, თუმცა მცირე ზარალი არც თათრებს უნახავთ. გამარჯვების მიუხედავად თათრებმა ამ ხელად საქართველოს თავი დაანებეს და მხოლოდ მეორე წელს გაზაფხულზე სცადეს, მდიდარი საქართველოს ძალის მარცვით გული ეჯერათ. მოსულ მჭერს ქართველები ახლა უკვე დიდი ლაშერით შზად დახვდნენ, თათრებთან ერთად საქართველოს საძარცვაუდ მეზობელი თურქებიც მრავლად დაძრულიყვნენ. ქართველებმა მომხდურები დაამარცხეს. ჯებე და სუბუდაი დარწმუნდნენ, რომ საქართველოს ძალის უიმედო საქმე იყო და სასწრაფოდ დარუბანდისაკენ წავიდნენ.

ქართველებსაც ეგონათ, რომ თათრები სამუდამოდ გაქრნენ ახლო აღმოსავლეთიდან, მაგრამ ცდებოდნენ. თათართა საშინელი ძალა ჯერ, მართალია, შორეული და შუა აზიის დაპყრობაში იყო გართული, მაგრამ ჩინგიზ-ყავნის დაპყრობითს გვემებში ახლო აღმოსავლეთის კულტურული ქვეყნები სულ უფრო და უფრო საპატიო ადგილს იჰკრდა და ეს მით უფრო, რაც თათრები უშუალოდ ეცნობოდნენ, ერთი მხრივ, ამ ქვეყნების სიმდიდრეს, ხოლო, მეორე მხრივ, მათი თავდაცვის შედარებით მცირე უნარს. ამის შედეგი იყო, რომ ჩინგიზ-ყავნმა, როცა თავისი მეფობის ბოლო ხანებში შვილებს შორის სახელმწიფო დაანაწილა, მან დაპყრობილი ქვეყნების გვედრით დასპყრობიც წილში ჩააგდო.

საქართველოში თათართა მეორედ მოსვლა 1236 წლიდან დაი-

წყო. მაგრამ არც 1221-1236 წლებს შორის ხანა ყოფილა შშვიდობიანი. 1225 წლიდან 1231 წლამდე ახლო აღმოსავლეთი ხვარაზმის შაპმა ჯალალ-ედინმა შეაშფოთა. ხვარაზმიდან ლტოლვილ ჯალალს თათართა უკუქუცვა გადაეწყვიტა. იგი ახლო აღმოსავლეთის კულტურულ ხალხთა გაერთიანებისა და თათართა წინააღმდეგ მათი დარაზმის მეთაურობას იჩემებდა. მაგრამ ჯალალისა არავის სჯეროდა. გუშინდელი დამპყრობელი დღეს თავისუფლებისათვის მებრძოლი გმირის როლში არ გამოდგებოდა. ჯალალმა, რაკი მოლაპაკარებით არაფერი გამოუვიდა, ისევ დაპყრობა არჩია: მრავალი ქვეყანა ააოხრა, მრავალი ათასი ადამიანი გაულიტა, მაგრამ ვერა გაწყო რა, — მოღალატებისა და მტრების მეტი ვერაფერი შეიძინა. ბოლოს, 1231 წელს, როცა თათრებმა ირანი დაიპყრეს, ჯალალი სულ მარტო დარჩა: ჯარი გაექცა, ახლობლებმაც უდალატეს და ხვარაზმ-შაპი უსახელოდ დაიღუპა. ჯალალის ამ უგუნურმა მოღვწეობამ თათრებს მოსვლა გაუადვილა: მისგან განაწამები ხალხები თათრებს მხსნელებად უყურებდნენ, პირველ ყოვლისა ქრისტიანები, რომელთაც ხვარაზმ-შაპი განსაკუთრებით მტრობდა. მაგრამ ჯალალის მტარგალობისაგან „მხსნელი“ თათრები რომ არანაკლები დამპყრობლები იყვნენ, ამაში კულტურული ახლო აღმოსავლეთი ჩქარა დარწმუნდა.

მოკლედ: თათართა განსაკუთრებულმა სიძლიერემ, მათმა უცნაურობამ, ქრისტიანებსა და მაპმადიანებს შორის ბოლომოუღებელმა მტრობამ, ფეოდალური საზოგადოების შიგნით გამწვავებულმა კლასობრივმა ბრძოლამ დამპყრობელთა გამარჯვება შესაძლებელი გახადეს და კულტურულად დაწინაურებული საქართველოც (სხვა მეზობელ ქვეყნებთან ერთად) ჩამორჩენილ თათართა ბატონობის უღელს შეუდგა.

მაინც თათრებს დიდი ბრძოლების გადახდა დასჭირდათ, ვიდრე საქართველოს, ოუნდაც დროებით, დაიმორჩილებდნენ. 6 წლის განმავლობაში აოხრებდნენ თათართა ურდოები ჩვენს ქალაქებს, ციხეებს, სოფლებს. მტერი კარგად ხედავდა ქართველთა ძლიერებას და მოწინააღმდეგის გასატეხად ცდას არ აკლებდა. თათრები მხაკვრულად ცდილობდნენ ქართველთა საერთო ფრონტში განხეთქილება შეეტანათ. კლასობრივ ფეოდალურ საზოგადოებაში ასეთი ხერხი ადვილად სჭრიდა. მტრის მხარეზე გადასულ ქართველ მოღალატეს თათრები უხვად წყალობას ანიჭებდნენ. მაგალითად, მოღალატე ელიგუმ ორბელს თათრებმა უწყალობეს ვრცელი ქვეყნები. ეს ქვეყნები

ელიგუმის მეზობელი ქართველი ფეოდალებისა იყო, რომლებიც ჯერ არ დამორჩილებოდნენ და თათრების წინააღმდეგ მედგარ ბრძოლას განაგრძობდნენ.

ელიგუმის მოღალატეობა ჩქარა ჩამწარდა. რაკი საჭიროების-დაცვარად მოიხმარეს, შემდეგ არც თათრები სცემდნენ დიდ პატივს სამშობლოს ორგულს. ამიტომაც იყო, რომ თათრებმა არც დიდად შეიწუხეს თავი, როცა მათი ერთგული და ნამსახური ელიგუმი ქართველებმა საიქიოს გაისტუმრეს. ეს იყო 1242 წლის ახლო ხანში. მაგრამ ელიგუმისაებრ საზიზღარი მოღალატეების გვერდით იმ დროის მწერლები თავდადებულ მეომრებზეც მოვითხოვდენ. როდე-საც გამუდმებული ხანგრძლივი ბრძოლით მოღლილი ქვეყნები ერთი მეორის მიღევნებით დამპყრობელთ დაემორჩილნენ, სამცხის მთა-ვარი იუნე ციხისჯვარული ფარგმალს არ ჰყოიდა და, სანამ ქუთაის-ში შეჩიზულმა მეფე რუსუდანმა მტერს მორჩილება არ გამოუცხადა, ეს მთავარი მედგარი წინააღმდეგობით სიცოცხლეს უმწარებდა თათართა ჯარებს.

XIII საუკუნის ორმოციან წლებში თათრები ყოველმხრივ შე-მოადგნენ თბილისს. ქართველებმა თვით გადასწვეს საყვარელი დე-დაქალაქი და მტერს ნაცარ-ფერფლი დაუტოვეს. რუსუდან მეფე ქუთაისს გადასულიყო. ამაოდ ცდილობდნენ თათრები დასავლეთ საქართველოში შეჭრას. ქართველებმა ადვილად ჩახერგეს ვიწრო გზები, მტკიცედ დაუხვდნენ მტერს გადასავლებსა თუ ხეობებში და მძიმედ დაზარალებული თათრები მალე აიძულეს, ხელი აეღოთ ლიხთ-იმერუთის დაპყრობის განზრახვაზე. სამაგიეროდ, საქართ-ველოს დანარჩენი ნაწილები თათრებმა მკვიდრად ჩაიგდეს ხელში.

ქუთაისში გახიზული მეფე უშედგვოდ ცდილობდა დამხმარე-მოკავშირე ეშოვნა თათართა წინააღმდეგ. ახლობელი ქვეყნები სულ თათრებს დაეპყროთ, შორეულნიც შიშით იღეოდნენ. ქართველთა მეფემ აღიარა თათართა ბატონობა და ყოველწლიური ხარკითა და ლაშქრით მიშველება აღუთქვა. თათრებმა რუსუდანის უფლება საქა-რთველოს დაპყრობილ ნაწილზედაც სცნეს. ასე რომ, ქვეყანა საშიშ დანაწილებას გადაურჩა.

ამით საბოლოო ზავი თათრებსა და ქართველებს შორის, რა თქმა უნდა, არ დამყარებულა და ქართველ ხალხს თვისუფლებისათვის ბრძოლაზე ხელი არ აუღია. მონება-მორჩილების გამოუცდელ ქართველთა თაობებს თათართა ხარკი და სამხედრო სამსახური ემძიმებოდათ. ქართველები თათართა მიერ დაპყრობილ ხალხთა

შორის ყველაზე უფრო ქედფიცხელებად ითვლებოდნენ და, უნდა ითქვას, რომ თუმცა თათრები მათ ამ დაუმორჩილებლობისათვის სასტიკად ებრძოდნენ, მაგრამ ამაყ და მებრძოლ ხალხს პატივსაც სცემდნენ. თათართა ურდოში მაღალი და საპატიო თანამდებობების მინიჭებით დამპყრობლები ცდილობდნენ ქართველი დიდაზნაურების უმაღლესი ფენის მიმხრობას და ამით ქართველთა წინააღმდეგობის შენელებას. მტერს აქ მარცხი ელოდა. ცალკეული პირები მათ, მართალია, მოისყიდეს, მაგრამ უკამაყოფილება ისე ძლიერი იყო, რომ დამპყრობელთა წინააღმდეგ აჯანყება ჩქარა ქართველთა მორიგ საკითხად იქცა.

ერთ-ერთი აჯანყების შესახებ შემდეგი საინტერესო მოთხოვია აქვს დაცული იმდროინდელ მწერალს: 1247 წელს საქართველოში მეფე არ იყო. რუსულანი გარდაცვლილიყო, მისი გაუი დავითი კი შორეულ მონღლოლეთში წასულიყო, რომ თათართა ყაენისაგან, რომელიც ყარაყორუშში იჯდა, საქართველოში მეფობის ნებართვა მიეღო. იქვე გამგზავრებულიყო ლაშა-გიორგის შვილიც. ისიც მეფობას ეძებდა. აი, ამ უმეფობის ხანს ქართველებს აჯანყება გადაეწყვიტა. ქვეყნის მმართველი თავ-კაცები ჯავახეთში, კოხტასთავის, შეიკრიბნენ: ეგარსლან ბაკურცახელი, ცოტნე დადიანი, გარამ გაგელი, ევარეგვარე ჯაფელი, შოთა კუპრი, თორღვა პანკული, გამრეკელ თორეული, სარგის თმოველი და სხვანი. მთავრები შეითქვნენ, შეთანხმდნენ და აჯანყების დღეც დანიშნეს, როცა ყველანი თვეთვიანთი ლაშქრით შიდა-ქართლში უნდა მისულიყვნენ, მაგრამ ვიღაც მოღალატემ შეთქმულება გასცა.

კრება ჯერ მთლად არ დაშლილიყო, რომ თათართა ჯარი შეთქმულებს თავს წამოადგა. კრების მონაწილენი დააპატიმრეს. ანისის მხარეს, შირაკავანს, თათართა მთავარ სადგომში წაიყვანეს. რა წამება არ მიაყენეს მტარვალებმა, შეთქმულები მაინც ვერ გასტეხეს. თითოეული პატიმარი დაუინებით ერთსა და იმავეს გაიძახოდა, რომ მათი შეკრების მიზანი არა შეთქმულება, არამედ თათართათვის მისართმეველი ხარკის აკრეფის საკითხი იყო. თათრებს ასეთი პასუხისა ბარემ არა სჯეროდათ, მაგრამ ბრალდებულთა ეს სიმტკიცე-გაუტებლობა მათ თანდათან აეჭვებდა. პატიმარ ქართველებს შორის ცოტნე დადიანი არ ერია. კოხტასთავის კრებიდან მან ზოგიერთ სხვასთან ერთად თათართა მოსვლას გაასწრო და დაპატიმრებას გადარჩა. პატმანის თანახმად ცოტნებ მოუწოდა დასავლეთ საქართველოს პატრიოტებს. აჯანყებულთა ლაშქარს ცოტნე წამოუძღვა და სამცხის საზ-

ღვარზე მოსულმა შეთქმულების ჩაშლის საზარელი ამბავი შეიტყო.

მარცხმა გმირი ვერ გატქა. აჯანყების საქმე ამჯერად წაგებული ჩანდა და მისი ასეთ პირობებში დაწყება მხოლოდ საზარალო და მავნებელი იქნებოდა. ცოტნები სწორედ განსაჯა, ლაშქარი სახლში დაბრუნა და შეთქმულ თანამებრძოლთა გადარჩენის საქმეს შეუდგა. დადიანმა დაპატიმრებულთა ვითარება გამოიკითხა და ამის შესაფერისად გაბედული მოქმედების გეგმა დაიწყო. თათრებს შორის ქართველებს გულადებისა და პირდაპირ მთქმელთა სახელი ჰქონდათ დაგარდნილი. ცოტნებაც ამ გარემოებაზე ააგო თანამებრძოლთა გამოხსნის გეგმა. დადიანი ორიოდე მხლებელით გაეშურა ანისისაკენ და იქ მიიჭრა, სადაც ნახევრად შიშველი მხარშეკრული შეთქმული ქართველები მოედანზე ეყარნენ. დადიანმა სამოსელი გაიხადა, მხლებელთ ხელები ზურგზე დააკვრევინა და მოედანზე პატიმრებს შორის დაჯდა.

ეს უცნაური ამბავი გაკვირვებულმა თათრებმა ჯარის სარდალს აცნობეს. ცოტნეს მთელ საქართველოში პატიოსანი და სამართლიანი კაცის სახელი ჰქონდა მოხვეჭილი. თათრებსაც გაგონილი ჰქონდათ ერისთავის ეს სათხოებანი. ცოტნე ძლიერი მთავარი იყო, ამასთან — შეთქმულების მონაწილეც და მისი დაუპატიმრებლობა თათრებს აფიქრებდა. ამიტომაც კიდევ უფრო უცნაური ჩანდა ცოტნეს საქციელი.

დადიანი თათართა სარდლის კარავში წაიყვანეს და იქ მისი საქციელის მიზეზი ჰკითხეს. ცოტნეც ამას ელოდა. მან მოახსენა, თუ რა იყო ქართველთა ჯავახეთში შეკრების მიზანი. უარპყო ბრალდება შეთქმულება-აჯანყების შესახებ და დაუმატა, რომ მისი ურდოში მისვლის მიზანი იყო, სიმართლე მოქმედებინა თათართათვის, რათა თანამოძმები ქსნა განსაცდელისაგან, ან არა და უდანაშაულო თანამოძმებთან ერთად თვითონაც დაღუპულიყო იმ საქმისათვის, რომლის მონაწილეც სხვებთან ერთად ისიც იყო. ცოტნეს მოქმედებამ თათრებზე ძლიერი შთაბეჭდილება მოახდინა, მის პასუხსაც ერწმუნენ და პატიმარი ქართველებიც გაათავისუფლესო, გადმოგვცემენ. მაღლიერმა ქართველმა ხალხმა კი თავდადებული პატრიოტის გმირული საქციელი ძვირფას გადმოცემად მომავალ თაობებს შეუნახა.

დამპყრობელთა უდელქვეშ საქართველო ვერ ისვენებდა. ქართველი ხალხის გულში მტარვალთა სიძულვილის ცეცხლი არ ნელღებოდა. აჯანყების ალი ხან ერთ კუთხეში აფარდებოდა, ხან

მეორეში. მაგრამ მტერიც ფხიზლობდა და სხვადასხვა შზაკვრული ხერხით ქართველთა ბრძოლის ძალას ანელებდა. ჯერ მეფე სულ არ იყო და 1250-იანი წლებიდან თათრებმა საქართველოში ორი მეფე დაამტკიცეს — რუსუდანისა და მისი ძმის, გიორგის შვილები. თათრების აზრით, ეს მეფეები ერთიმეორის მოქიმპენი იქნებოდნენ და, მაში, თითოეული მათგანი თათრების ხელის შემყურე უნდა ყოფილიყო. მეორე მხრივ, თათრებმა ქართველი დიდმოხელე აზნაურების მფარველობა დაიჩინეს, ქვეყნის ორგულები ერთგულთა ხარჯზე გააძლიერეს, გაამდიდრეს და ქართველ მეფეებს ორგულ, უამურ დიდმოხელეთა დასჯა-დატუქსვის საშუალება მოუსცეს. მოკლედ: ქართველთა შორის ურჩობას, ქვეყნის დაშლა-დანაწილებას, ერთმანეთის უნდობლობა-გაუტანლობას, მიმძლავრება-დაბეჭდებას, ანუ, როგორც მაშინ იტყვოდნენ, ყოველგვარ „ულუსობას“ თათრებმა ხელი შეუწყვეს, რომ თავიანთი ბატონობა ქართველ ხალხზე უზრუნველყოთ.

როგორც აღვნიშნეთ, თათრებმა უზარმაზარი ქვეყნები დაიპყრეს, მაგრამ იმდროინდელი განუვითარებელი მეურნეობისა და ტექნიკის პირობებში ასეთი დიდი სახელმწიფო დიდხანს ვერ იარსებებდა და თათართა სამფლობელომაც უმაღვე დაშლა იწყო. ჯერ კიდევ ამ სახელმწიფოს შექმნელმა ჩინგიზ-ყავნმა დაანაწილა დაპყრობილი (და დასაპყრობი) ქვეყნები თავის თოხ შვილს შორის. ერთი ამ შვილთა განი სხვების უფროსად გამოაცხადა და დანარჩენ შვილებს მისდამი მორჩილება დაავალა. ამით ჩინგიზ-ყავნს სახელმწიფოს მთლიანობის შენარჩუნება სურდა. მაგრამ, რაც დრო გადიოდა, ჩინგიზის მემკვიდრეები ერთი-მეორისაგან სრულიად დამოუკიდებელი ხდებოდნენ და ჩქარა ურთიერთ შორის მტრობა-ომიც კი შემოერიათ. ასე რომ თათრები ფეოდალური დაშლა-დასუსტების გზაზე შედგნენ.

1250-იანი წლებიდან თათრები ახალ ქვეყნებს იშვიათად იპყრობდნენ. ამისდაკვალად ნაალაფევ-ნატყვენავი შემოაკლდათ. ამავე დროისათვის თათართა ურდო ლოთობა-ლორმუცლობას, ფუფუნებასა და ფლანგვას შესჩვეოდა, და, როცა საფლანგვი შემოაკლდათ, საწველ ფურად, ბუნებრივია, დაპყრობილი ხალხები ამოიჩინეს. 1255-იან წლებში თათარმა მოხელეებმა საქართველო (ისე როგორც სხვა დაპყრობილი ქვეყნები) აღწერეს და ახალი გადასახადები შეაწერეს. როგორც სიმძიმით, აგრეთვე თავისი ხასიათით, ეს გადასახადები ყოვლად უცხო და უჩვეულო იყო ქართველი მშრომელი ხალხისათვის. ხოლო კიდევ უფრო მძიმე ამ ხარკის შეგროვების თათრული

წესი იყო. ხარკის შეგროვების საქმე თათართა საბატონოში უსინდისო მეღროვე მოხელეთა და სპეცულანტ-მოიჯარადრეთა ხელში იყო. ყოველ წელს უმოწყალო და ველურ მძარცველებად მოედებოდნენ ხოლმე ქართველ სოფლებს თათართა ხარკის მსუნავი ამკრეფლები. მიჰქონდათ არა მარტო ის, რაც სავალდებულო გადასახადი იყო, არამედ იტაცებდნენ ყველაფერს, რასაც კი იმათი ხარბი თვალი და ხელი მისწვდებოდა. ასე ყოველწლობით იძარცვებოდა განაწამები ქართველი გლეხობა, ხოლო გამკითხავი არსად იყო... უჩემეულო და მძიმე იყო აგრეთვე სამხედრო მოვალეობა, რომელიც დამპყრობელმა რომ საქართველოს დააკისრა. ახალი წესით, ქართველ გლეხობას თათრებისათვის სალაშქროდ 90.000 მოემარი უნდა გამოეყანა.

ყველა ამ „ულუსობამ“ ქართველი გლეხი წელში გაწყვიტა. მრავალგზის დარბეულ-აოხრებულმა გლეხობამ მეურნეობაზე თანდათან გული აიყარა, ხიზნობა-ბოგანობა იწყო. ხოლო რაკი გლეხი-კაცი დასუსტდა, საქართველოც დაძაბუნების გზაზე შედგა. გაპარტახებული გლეხების პატრონ აზნაურებსაც სიღარიბე შემოერიათ. შემცირდა ხელოსნობაც, დაეცა ვაჭრობა...

1259 წელს საქართველოში კვლავ აჯანყებამ იფეთქა. მას სათავეში დაგით ლაშას ძე ედგა. აჯანყების აქტიურ მონაწილეთაგან ცნობილი არიან სარგის ჯაველი, ზაქარია მხარეობელი და სხვები. თათრებმას შეძლეს და ზოგიერთი ქართველი მთავარი გაიერთოულეს. ასე რომ ეს აჯანყება საყოველთაო არ გამოდგა. სუმბატ ორბელი და მისი მსგავსი მოდალატე მედროვეები მტრის ბანაკში იყვნენ და აჯანყებულ მოძმეთა ხარჯზე ხელის მოთბობას ლამობდნენ.

აჯანყებულთა ლაშქარმა ჭაშის-ქართა (ბორჯომის ხეობიდან გამოსაყალთან) სასტიკად დაამარცხა თათართა დამსჯელი ჯარი. მტერი სრულ განადვურებას მხოლოდ სამშობლოს მოღალატე ქართველმა მთავრებმა გადაარჩინეს. მეორე გზის ოშში აჯანყებულნი დამარცხდნენ, მაგრამ თათრები გულისწადილს მაინც ვერ ეწივნენ, აჯანყების მეთაურები მაინც ვერ შეიძყრეს. უკანასკნელნი დასავლეთ საქართველოში გადავიდნენ და თათრებისადმი დამორჩილებას არ აპირებდნენ. ცოფმორეულმა, გამხეცებულმა მტერმა უდანაშაულო ტყვეებზე მოიკლა სისხლის წყურვილი: ურდოში დაახრჩვეს დავით ლაშას ძის მეუღლე დედოფალი გვანცა და მოჰკლეს ზაქარია ამირ-სპასალარი, შანშას ძე.

ჩქარა თათრები იძულებული შეიქნენ, აჯანყებულთა შემორიგებას ცდილიყვნენ. ამ დროისათვის თათართა ძლიერებას უკვე წყა-

ლი შესდგომოდა. მათი სხვადასხვა ურდო ერთი მეორეს მტრობდა. ჩრდილოეთის ურდო მდიდარი ამიერ-კავკასიის დპაყრობას აპირებდა და ამ მიზნით სამხრეთის ურდოზე ომით წამოსულიყო. ასეთ პირობებში ქართველთა აჯანყება საშიში იყო: აჯანყებულებს შეეძლოთ ჩრდილოეთ კავკასიიდან ამიერ-კავკასიაში გადმოსავალი გზები ჩრდილოელებისათვის გაეხსნათ. ილხანმა (ასე ეწოდებოდა სამხრეთის ურდოს ყაენს) აჯანყებულებს „აპატია“, საჩივარი გულისყრით მოუსმინა და სათხოვარიც შეუსრულა. ქართველებმა კარგად შეამჩნიეს, რომ თათრები ახლა არც უძლვეველები არიან და არც მათ წინააღმდევ აჯანყებაა უიმედო. ამიერიდან ქართველები კიდევ უფრო მეტი მხნეობით განაგრძობდნენ ბრძოლას სამშობლოს საბოლოოდ განთავისუფლებისათვის. აჯანყებამ დავით ლაშას ძის მეთაურობით ის შედგიც მოიტანა, რომ თათართა მთავრობამ კურად იღო ქართველთა საჩივარი გადასახადების სიმძიმისა და მოიჯარადრების უსამართლობის შესახებ. ილხანმა ამ საქმის გამოსწორებაც სკადა, თუმცა უშედეგოდ.

უნდა აღვნიშნოთ სამშობლოს ამ საერთო გაჭირვების დროს ყველა ერთნაირად როდი იბრძოდა. პირშავი მოღალატებიც იყვნენ. ისინი ჯაშუმბობდნენ, ორპირობდნენ, მტრის კალთას ეფარებოდნენ და თავდადებულ მებრძოლთა სისხლის ხარჯზე სუქლებოდნენ. ასეთები იყვნენ სუმბატ ორბელი, საღუნ მანგაბერდელი, მისი შვილი ზუტლუ-ბულა, კახაბერ რაჭის ერთისაუკიდი და სხვა მისთანები.

საქართველოს მძიმე მდგომარეობით სარგებლობა ახლობელმა მეზობლებმაც მოისურვეს. აქამდე სოროებში მიმალული თურქები წამოიშალნენ. მათ თავისი ამინდი ეგონათ. ჯერ კიდევ 1250-იან წლებში, უმეფობის ხანაში, ერაყ-აზერბაიჯანელი თურქები ვიღაც დარასანის მეთაურობით საქართველოს სამხრეთ სანპიროებს შემოესვინენ და დაუცველ ქვეყანას სასტრიკად არბევდნენ. საქართველოს ამ ნაწილის მთავარი შანშა მხარეობელი 30.000 კაცით ფიცხლად გაეგება მტერს. ომი მდინარე არაქსის გაღმა მოხდა, გაღაშტკერტის მიღამოებში. რიცხვით სიჭარბის მიუხედავად, თურქები დამარცხდნენ, ნაძარცვთან ერთად მთელი თავიანთი ჯოგები თუ სხვა ქონება გამარჯვებულობა დაუტოვეს და თავქუდმოგლეჯილი გაიქცნენ. შანშას ლაშქარი ხოცვა-ულეტით შორს, ხლათამდე მიჰყვა გაქცეულ მტერს და მტაცებელი ისე დააზარალა, რომ საქართველოს მიწაზე კვლავ ქურდობა-ტაცების ხალისი დიდი ხნით დაუკარგა.

ამავე ხანებში მცირე-აზიელი თურქები სამხრეთ-დასავლეთ საქა-

რთველოს სარბევად წამოვიდნენ. მრავალ ათას თურქთა მარბიელებს ალთუ-ზანი და ორ-ზანი მოუძღვილნენ. თურქებმა აიღეს ნაპირის ქვეყნები მათი ციხე-ქალაქებით ბასიანი, ტაო, ბანა-ოლოთისი. ამ სანაპიროების მთავრებმა დახმარება სთხოვეს სამცხის მთავარს გვარუფარუს. მესხები ფიცხლავ მიეშველნენ შევიწროებულ თანამოძმებს. 10.000 მეომრით გაეშურა ევარევურე, სამცხის სპასალარი და თავხედ მტერს კანის-ვაკეს ჩაევება. თავის სიმრავლეს მინდობილი მტერი ძლიერად დადგა. მაგრამ სიმსნეს მინდობილი ქართველების მკლავ-მაგარ შეტევას მტერმა ვერ გაუძლო. მძიმე ომის შედევად დამარცხებული მტაცებლები გაიქცნენ და ვანის-ვაკეს დასტოეს მთელი ნარბევ-ნაძარცვი, საკუთარი იარაღ-მოკაზმულობა თუ ცხენ-ჯორ-აქლემი.

სამცხის სპასალარმა გაქცეულ მტერს თავისი შვილიშვილები იუნე და სარგისი დაადევნა ქართველთა ჯარით. მდევრებმა ადვილად დააგდებინეს თურქებს მინატაცები ციხე-ქალაქები და საქართველო თურქ მარბიელთაგან სავსებით გასწიმინდეს.

1300 წლის ახლოს, როცა აღმოსავლეთ საქართველოს უდიდესი ნაწილი თათართა წინააღმდეგ აჯანყების ალში გახვეულიყო, მცირებაზელმა თურქებმა ერთხელ კიდევ სცადეს ჩენი ქვეყნის მობევა. ამ მომთაბარეთა მეთაური ვინმე აზატ-მოსე იყო. 60.000 თურქი მოედვა სარბევად სამხრეთ-დასავლეთ საქართველოს. თურქებს არავინ ელოდა და ქვეყანაც მტაცებლებს მოუშადებელი დახვდა. მტერმა აიკლო და დაარბია ბასიანი, ტაო, ნიგალის ხევი, მურღული. აქ გაუგალ ვიწროებში სახელდახელოდ გამოსულმა ქართველებმა ზერზემდისხების მეთაურობით დაამარცხეს და უკუაქციეს თურქები. ტაოს ერისთავი თავა ფანასურტელი თავგამოდებით ებრძოდა შემოსეულთ. თორთომის თავს თავისი მცირე ჯარით თავამ მძიმედ დააზარალა მტერი, მაგრამ თურქების განდევნა მათი სიმრავლის გამო მეტად ძნელი ჩანდა.

ამ დროს სამხრეთ-დასავლეთ საქართველოს ბექა ჯაფელი პატ-რონობდა. მისთვის მიეჩემებინა თათართა ყაენს საქართველოს ამ ნაწილის მმართველობა. აზატ-მოსეს შემოსევის გამო ბექამ სამხრეთ-დასავლეთ საქართველოს თავ-კაცების კრება მოიწვია და მას შესანიშნავი პატრიოტული სიტყვით მიმართა. მთავარმა ქართველებს თურქთა წინააღმდეგ ოში მოუწოდა. ბექას მოწოდებას კრება მხურვალედ გამოეხმაურა. ეს იყო ზამთარში. როცა მეორე გაზაფხულზე თურქები საზაფხულო საძოვრებისაკენ წავიდნენ, ბექასთან

უკვე თორმეტი ათასი მეომარი შეყრილიყო. ქართველებს თურქთა ნაწილ-ნაწილ დამარცხება ჰქონდათ განზრახული. ნაცნობ აღვი-ლებში მცირე რაზმებით ქართველები ისე მოხერხებულად უხვდე-ბოდნენ მტერს, რომ უკანასკნელის სიმრავლე უსარგებლო ჩანდა. ფიცხელი ბრძოლები მოხდა კაშლოვანს, სერს, ბაბერდს. სამშობ-ლოს დამცველთა სიმხენემ და თავდადებამ სძლია მტრის სიმრავლეს. გამარჯვება ქართველებს დარჩა. თურქებმა იგრძნეს, რომ საქართ-ველოს ჯერ კიდევ შესწევს ძალა საკუთარი ქორბულის დასაცავად.

XIII საუკუნის 80-იანი წლებიდან ილხანთა ურდოში ყაენის უფლისწულებს შორის ბოლომოუღებელი ქიშპი და ბრძოლა ატყ-და. აღმოსავლეთ საქართველოში ამ დროს დიმიტრი დავითის ძე მე-ფობდა. დიმიტრი მოხერხებულად სარგებლობდა ყაენის უფლისწუ-ლებს შორის არსებული ამ მტრობით და საქართველოს თათართა მპყრობელობის ტვირთს თანდათან უმსუბუქებდა. თათართა ურდოში საქართველოს მეფეს მეგობარი დიდკაცები ჰყავდა და ხარკის ამ-კრები მოიჯარადოუები მის ქვეყნას ძველებურად ვეღარ აწესდნენ. დიმიტრი მეფე თავს სამშვიდობოს გრძნობდა, მაგრამ მწარე სინამდ-ვილებ მალე მეფეს თავი მკაცრად მოაგონა: **ბრძოლისაგან მოხვენე-ბა, უდარჯელობა დანაშაულია, სანამ მტერი კარზე დგას და საბ-ოლოდ არ განადგურებულა.**

1289 წელს დიმიტრი მეფე ყაენმა ურდოში დაიბარა. მეფემ შეიტყო, რომ ყაენს დიმიტრის მეგობარი თათარი დიდკაცები ამ-ოუხოცია: მათთვის მოღალატეობა შეუწამება. ქართველი მეფეც შეთქმულ მოღალატეთა მეღასედ ითვლებოდა. დიმიტრიმ იცოდა, რომ ურდოში მას სიკვდილი ელოდა. მეფემ დიდებულები იხმო და რჩევა მოსთხოვა. დარბაისლებმა აჯანყება ურჩიეს. მამამისის, დავი-თის აჯანყების მაგალითით აიმედებდნენ. დიმიტრიმ ასეთი რამ ახლა უიმედო და მაგნებელ საქმედ აღიარა. სამხრეთის ყაენს იმ დროს ჩრდილოეთის ურდო არ ემუქრებოდა, არც სხვა ვინმე მტერი უჩან-და. ასეთ პირობებში აჯანყებას ქვეყნის სრული განადგურება მო-ჰყებოდა, ხოლო საკუთარი თავის განწირვით მეფეს შეეძლო ქვეყნა აოხრებისაგან ქსნა. დიმიტრის გმირის სულგრძელობა აღმოაჩნდა. მან თავისი ქვეყნისათვის თავი დასდო და მომავალ თაობებს სამშობ-ლოსათვის გმირული თავგანწირვა ანდერძად დაუგდო. 1289 წლის 12 მარტს მეფე დიმიტრი თავდადებული ურდოში (მუღანის ველზე) სიკვდილით დასაჯეს. სამშობლოს ლირსეული შეიღის თავმოკვეთი-ლი სხეული ქართველებმა მოიპარეს და საყვარელ მცხეთას მეფეთა

სამარხავში დაკრძალეს.

ამ თავდადებულთა სისხლი კი არ შელიდა და ასუსტებდა, როგორც ეს მტარგალს ჟონა, არამედ კიდევ უფრო აქვიტყირებდა ქართველთა ბრძოლას თავისუფლებისათვის.

1299 წლიდან საქართველოში ისევ აჯანყება დაიწყო. მისი მეთაური დავითი იყო, დიმიტრი თავდადებულის შვილი. აჯანყება მედგარი და მეტად ხანგრძლივი იყო. დავითის აღმოსავლეთ საქართველოს დიდი ნაწილი უჭრდა შხარს, მაგრამ აჯანყების სული და გული შიდა-ქართლი და მთიულეთი იყო. თვით მეფე მთიულეთს იდგა და თათართა ყოველგვარი ცდის მიუხედავად ის ვერც შეირიგეს, ვერც დაიჭირეს და ვერც განდევნეს. დიდი მსხვერპლი გაიღო ქართველმა ხალხმა. დიდად შემცირდა ქართლის მოსახლეობა. თათართა ყოველწლიურმა შემოსევებმა გაანადგურა მეურნეობა. ამის მიუხედავად, ხალხი არ გატყდა. ეს აჯანყება 12 წელიწადს გაგრძელდა. აჯანყებულმა დავითმა ჩრდილოეთის ურდოს ყაენთან პოლიტიკური მოლაპარაკება გააპა და ილხანების მოქიშპეს ამიერკავკასიაში ეპატიუებოდა. ბრაზი ახრჩობდა ილხანს გაზან გაენს, რომ აჯანყების მეთაური დაუსჯელი რჩებოდა. ყაზანი ისე გარდაიცვალა, რომ აჯანყება ჩაუქრობელი დარჩა. კიდევ უფრო სუსტები იყვნენ მისი მემკვიდრეები. სხვა გზა არ იყო და მტერმა დაყვავების პოლიტიკა აირჩია. დავითი არ ენდო პირსისხლიანებს.

ამ ხანებში პოლიტიკურ სარბიელზე დავით მეფის უმცროსი ძმა გიორგი გამოვიდა. მაღალნიჭიერმა პოლიტიკოსმა სწორად შეაფასა საქმის ვითარება და თათართაგან ქვეყნის განთავისუფლების განსხვავებული გეგმა დაწყო. გიორგი ხელავდა დავითის აჯანყების უიმედობას. ხედავდა, რომ მხოლოდ ქართლის აჯანყებით საქართველო თავისუფლებას ვერ მოიპოვებდა, — რომ ურდო, მართალია, დაშლა-დასუსტების გზაზე შემდგარიყო, მაგრამ მას ჯერ კიდევ საკმაო ძალა პქონდა. ამიტომ თათართა ბატონობისაგან განთავისუფლების საქმეს დიდი წინასწარი შზადება სჭირდებოდა. უპირველეს ყოვლისა, საჭირო იყო აოხრებული ქართლის შესვენება, მოშენება; საჭირო იყო საქართველოს გაერთიანება (თათართა მხრით ხელის შეწყობით ქვეყნის ცალკე ნაწილები ქართველ მთავრებს დაესაკუთრებინათ), დიდყაც-აზნაურთა თვითნებობის აღაგმვა, მტკიცებელისუფლების შექმნა. მხოლოდ ამის შემდეგ ექნებოდა თათართა წინააღმდეგ აჯანყებას გამარჯვების პერსპექტივა.

თავისი პოლიტიკური მოღვაწეობა გიორგი მეფემ თათრებისა-

დმი მოჩვენებითი ერთგულობით დაიწყო. ქართლის აჯანყებით თავმოძებულები თათრები გიორგის ამ მოჩილებას ძვირად აფასებდნენ. მეფემ ურდოში თათართა დიდკაცები დაიმევობრა და მათი შემწეობით მნიშვნელოვანი შეღავათები ადვილად მოიპოვა. საქართველოში თათართა ხარკის აკრეფის საქმეს ამიერიდან თვითონ მეფე განაგებდა და არა ურდოს მოხელე-მოიჯარადო. ამავე დროს ყაენისაგან გიორგიმ საქართველოს სხვადასხვა ნაწილის ერთ სამეფოლ გაერთიანების თანხმობა მიიღო. გამდგარი მთავრების წინააღმდეგ მეფემ გარშემოიკრიბა ყველა, ვისთვისაც ქვეყნის მთლიანობა და მტკიცე ხელისუფლება ძვირფასი იყო. ხერხიანი მოქმედებით გიორგიმ ადვილად შემოიერთა დასავლეთი საქართველო, სადაც დავით რუსულანისძის შვილიშვილი მეფობდა; ასევე შემოიერთა მან საქართველოს სამხრეთ-დასავლეთი ნაწილი, რომელიც თათართა დახმარებით ჯაფელთა ფეოდალურ გვარს დაესაკუთრებინა, კიდევ უფრო ადვილად დაიმორჩილა გიორგიმ საქართველოსა და სომხეთ-შარვანის სხვა გამდგარი მთავრები. სასტიკი ზომებით მეფემ ალაგმა ერისთავ-მთავრების თვითნებობა. ერთ-ერთ დარბაზობაზე მან შეუბრალებლად გაწყვიტა გაუსწორებელი მოღალატენი.

გაერთიანების შემდეგ ქართველები ქვეყნის პოლიტიკური წყობილების რესტაურაციას შეუდგნენ. აღადგინეს ძეველი, თათართა ბატონობამდე ჩვენში არსებული წესები. დიდი ყურადღება მიაქცია მეფემ სამართლის საქმეს საქართველოს ბარსა თუ მთაში. არანაკლებ საზრუნავს შეადგენდა აგრეთვე ქვეყნის ეკონომიკური გაძლიერება, მეურნეობა, აღებ-მიცემის გაცხოველებისათვის ხელის შეწყობა.

ამასობაში გიორგი მეფე მოსაჩვენარად თათართა ერთგულებას განაგრძობდა, ხოლო ამავე დროს ილხანის მოსისხარ მტრებთან მეობრულ კავშირსა ჰკრავდა.

ასე თანდათან საქართველო ძლიერდებოდა და თათართა ბატონობის უკუსაგდებად ყოველ მხრივ ემზადებოდა. თათართა ურდოს საქმე კი სულ უკან და უკან მიდიოდა და 1327 წელს, როცა ყაენის კარზე დიდი არეულობა დაიწყო, გიორგიმ დრო ხელსაყრელად სცნო და თათრებს ხარკის მიცემა შეუწყვიტა. აჯანყებულთა დასასჯელად წამოსული მტრის ჯარი ქართველებმა სასტიკად დაამარცხეს და თათართა ასწლოვანი ბატონობაც საბოლოოდ თავიდან მოიცილეს.